

THEODORICVS VERONENSIS OSTROGOTHORVM REX.



Theodoricus filius fuit Theodemiri regis Ostrogothorum ex Arilena cōcubina, qui adolescēs adhuc Leoni Imperatori Orientis obses datus, & postea patri liberaliter restitutus fuit. Deinde etiam à patre aduersus Sarmatas cum exercitu missus, prosperè in hostē pugnauit, atq; eius gentis regem Bachum acie interfecit. Hac eius felicitate Ostrogothi moti, eum post patris mortem regem eligunt, erat enim is præter animi & corporis fortitudinem omnis generis uirtutibus præditus, atque optimis quibusque antiquorum ducibus comparandus. Hinc factum ut aliquandiu Ostrogothis optata pace magna prudentia præfuerit. Cum autē Odoacris ductu Herulorum gloria in Italia fulgeret, Ostrogothi inuidia moti, cū Theodorico agūt, ut in Italiã aut aliò exercitū ducat, ne totius generis bellica uirtus extinguat. Visigothos gentē cognatã totã Hispaniã sibi subiecisse, Aqtaniã & Vasconiã ab Halãis teneri, ab Anglicis Saxõib.